

中國方志叢書·華南地方·第一七五號

據

民國·何焜璋修，譚鳳儀纂
民國二十年鉛印本

影印

廣東省

仁化縣志

(一)



成文出版社有限公司印行

9424/57



10101566

中國方志叢書·華南地方·第一七五號

據

民國·何炯璋修，譚鳳儀纂
民國二十年鉛印本

影印

廣東省

仁化縣志

(二)

成文出版社有限公司印行



10101567



中華民國六十三年十二月臺一版

仁化縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修仁化縣志序

仁化雖蕞爾小邑，由來已古，自有虞氏南巡搏拊，而諸夏聲教，已被于荒服，趙陀蒲襲秦，而山川要害，早隸於版圖，迄唐代置縣，歷宋元數百年間，設官牧民，人民，風土，政事，謠俗，非無足採者，惜無人秉筆記載，遂湮沒弗彰，寧非考古者之遺憾耶，降至明末，司馬氏暉，始博訪周諮，象形記事，都爲上下八卷，遂爲仁化縣志之權輿，而後清定應璫，李夢鸞，鄭紹曾，陳鴻，瓜爾佳，鄧焯堂，次第續修，而民國以還，世殊事異，有待於修補者，尙闕如也，夫中國承四千餘年專制之遺，至民國而一大變革，開歷史上未有之新紀元，舉凡禮俗，政教，學術，文化，受世界潮流之激盪，變遷乎月異日新，他如農工商學各項機關之設立，政治議會各種制度之組織，以故大而國史，小而邑乘，皆有從新編纂之必要，顧民國十餘年來，干戈擾攘，喘息未寧，邑宰視官署如傳舍，遺老者舊，又多隱伏于山巖水涯之間，求可爲徵文考獻之助者，不啻禮失而求諸野，搜輯尤艱，加以兵燹之餘，載籍散失，舊志寥寥，幾同孤本，不速加釐訂，寔就湮滅，縣志之宜亟亟纂修有如此者，然事關一邑實錄，非一朝一夕可觀厥成，溯自十九年何前任燭璋，經始設局，甫一載而遷調，尋因亂事，鎗藥中輟，迨二十一年夏，趙承乏斯土，地方多故，伏莽潛滋，閱數月而吏民安堵，乃克重

仁化縣志卷首 序

申前議，嗣又因經費不敷遲遲付梓，而陳君文甫，復當仁不讓，慨然樂助。爰廣續督促，前後四易寒暑，始告成功。竊念地方人士，不憚努力襄事於前，自當勉成斯舉於後，因弁一言于卷首識其顛末冀後之閱是書者，知志乘之不可闕，而補苴匡正，重有待于來者也，更從而鐫削潤色之，以薪信今傳後，是誠私心所新鑒也已

中華民國二十二年秋月戴旭昇謹序

仁化縣志卷首

重修邑志序

何燭璋 縣長

仁化誌乘。創始前明萬曆間邑長元馬障。迨有清一代。經李夢鸞鄧紹曾陳鴻各前尹。先後續修。由同治十二年。陳前尹鴻續修迄今。又五十餘年矣。世道人心之變遷。政治之隆污。文章文物之繁衍。世遠年湮。疊經兵燹。若不重加修纂。何以上備國家採擇。下爲社會楷模。余于拾八年夏。謬權邑篆。下車伊始。取覽誌乘。剝蝕不全。適承大亂之餘。勞未安集。未暇顧及。越明年。四境安寧。政務稍寬。會省修志館。又迭檄屬採訪。余曰續修縣志。此其時矣。乃進教育局長李君幹丞。商延譚君鳳儀。李君家修。劉君玉堂。分主筆政。隨籌措經費。即日開局。分投採訪。計日程功。觀成可待。未幾余奉大府檄調揭陽縣篆。編纂譚君。囑余爲序。余曰誌以紀實也。有關於世道人心宜讀志。有關於政治宜讀志。有關於典章文物宜讀志。他如山川疆域之沿革。風土人物之興衰。亦不可不讀志。矢慎矢公。求爲信史。付諸剞劂。俾長斯邑者。藉作施政之龜鑑。是余之所厚望也。是爲序。中華民國式十年夏五月縣長何燭璋謹撰

原稿

不佞雖東髮受誨於師以爲請士人非獨休戚與共雖則振興廢墮一行作吏
使首受檄有年矣壬辰秋八月特舉館之化金之并境土無不聞風扶力不
給閱數月修舉政務稍見就緒公餘訪邑父老得志缺狀私心益用竊思自
化露藏文教日照御一泉石之勝好事者且張皇頌述仁化誠彈丸然麗水佳山置彼設長雖獻不乏承
更迺爾志載寥落荒習闇沒觀風問俗者何所稽稽載夫過高堂者仰副浮臨渙有思影不佞既更茲土
安所逃其責間嘗巡覽遠古典談調諧諸篇纏纏明備獨弗及幽隱巖伏班焉以下史事日就詳於後有
郡邑志而幽隱巖伏之蹟炳若指掌不佞用是弗獲辭茲勉於案牘裏集傳聞陞夫舊乘轡凡舉例爲繪
以象形者一曰圖位焉記以載事者六曰輿地曰賦役曰秩官曰政治曰風教曰人才外以備遺者一曰
雜摭而總之則爲上下八卷仍丐大名室文敘弁諸首以光傳記庶幾茲無復幽巖遺缺向之荒習闇沒
者由茲燦乎可睹已知曰編牒操觚以昭鑒不朽也則吾豈敢時萬歷二十一年

一、新民主主义国家

舊志云其時總纂爲知縣司馬睭協纂爲教諭劉大綱訓導賴文煥校繕圖志處置節餘可舉人劉泰然董夢熊編次爲生員劉天然劉時化董仁章黃梓爲生員劉鴻然劉正聚

原紋

仁化古楊州地歷漢唐類湮沒靡考至明興紘維其整德澤南洽而衣冠人物影彰可觀矣顧邑乘載佚君子億萬千平安得昭明世繼春秋者成此志哉然史失求諸野亦不易言矣非至公則秉筆不直非三長則取義不精非沉意政教者提衡於上則沿襲無當毋亦難其人乎歲壬辰邑侯司馬公下車潔已愛民才敏而虛周考姦核敵不憚改絃易轍諸凡疆域疆土戶口差役學校鄉賢秩祀兵防之類委本末節靡絲芥皆候之昕夕靡靡者深惟軌度弗昭胡以示後非古君子之志也於是以其精神思慮之堅實者登之於簡既行而効者識之以立準焉行而未成者著之以考終焉當行而未及行者表之以望國焉鉅大成綱用囑一邑信史蓋候涑水之的裔於三長有所承授者重以公心行之故不馴見聞而求施用非侈觀覽而資化理接之則其實可稽究之則其效可睹小足以序職大足以經世而因革之宜府舉之當縹然備矣泊屬稿訓不佞秦然濫竽校讐宜序簡末竊謂志者史之流別也土地人民政事紀邦三寶舍是未有能爲志者自王述熄國史亡獨周禮在魯孔子因而作春秋蓋當時周召人爲卿相出爲藩宣召公襄諸侯之風周公繫王者之化自其封魯世不乏賢以箕邦土則奄有龜蒙保有兗鄆詩載之矣以化邦民則變其禮易其俗史稱之矣而政事之原登載於平易近民是史之體也孔子取焉所以大義與天造并立豈非以人重茲茲候之治行種種不具書之於簡而後以爲官用以保乂其地緝綏其民庶

仁化縣志 卷四 序

四

饒周召比續君子曰觀志斯知政矣志願不重與昔計然任公精於治身馮參軍之爲傳以爲治生家者所必資爲邑與治生一也今侯以其殫精於治者載之籍記泰然第援其籍記而播述之俾後之爲仁化者聞其志知其所用心而守之垂之永永則昭明世繼春秋意在斯乎非徒存文獻而已也

邑人劉泰然撰

原敘

今上龍飛之歲混一天下東西南北無思不服風被

十年化理淪洽乃 命儒臣修

大清一統志部符下省取郡邑成書以獻於是太守馬公檄仁化討故牒編新紀具如五邑之例應瑞待罪於縣三載兢兢奉職懼不足稱使幸際大典俾遐陬僻壤從國籍之末觀光

闕庭敢不盡力願仁化於韶人材物產遜他邑遠甚曩爲令者或忽棄不志自明萬歷司馬達始創之於今八十年中更兵火故老遺書漫無可考懼不足備網羅貽聖作明述之誚又伏自念地有大小事有繁簡而理無異同如人之身修短肥瘠美惡殊矣五官百骸未有或殊者應瑞所治亦有人民亦有社稷有政有教皆在同文同軌之內且地連江楚獨當二面尉佗所恃以控制上游勢不得輕由唐建縣千有餘載迄於今儉樸之俗不遷而剏敝稍甚吏與民望

九隔萬里茲得繪形勢指畫事情引陳詩納賈之誼如親見古帝王於遠狩雖小國諸侯毋倦清問豈庸以簡小自匿則斯志也文不足而質有餘卽珍錯非倫十畝間閒桑麻相映野老雜坐較雨量晴麥飯菜羹淡而有本其猶元魯山連袂歌于蓀之遺也謹訂訛刪冗拾遺續絕別爲八紀三十條藉手報郡備大一統編流抔土之納述其時義以序時康熙十二年歲在癸丑春

大興鹿應瑞撰

仁化縣志

序

六

舊志參鄭志云應應重修邑志未竟而卒以本序并李序考之當是方氏書十五年遭楊賊之變故其志不存也

原敘

仁陽一隅何志乎有社稷焉有民人焉亦周之隸職方漢之上太史也嶺嶠皆赤子

九重宵旰且軫念之矣顧志自司馬瞻前之於前鹿應瑞續之於後而兵燹以來簡篇既盡文獻莫徵夢

驚謗陋曷敢輕擗管

部省郡檄下弗獲辭迴勉竭駑鈍爲之綴遺蕪蕪釐雅訂訛閏月書版上之

省郡憲而因與邑人言曰從來志之難爲也尙與雅者多脫略務詳核者每繁冗工詞而或背於理論治而或闇於事徇情則夫刺易涵勳說則名實失倫此呂覽之寵襍淮南之表詭所由譏也仁邑都里僅六無奇毓勝產縱具三長史才無所用雖然地王土一民王臣控閭之必畫也秩官之必建也兵農之必講也綱紀所從出教化所由興則志之文不容以不譚矣竊嘗怪世之人以文爲心不以道爲文且以文爲仕不以文爲政夫又而不本於道則外於文政而不本於文則乖於政儒者出宰一方貴取其方之山川賦役與夫民情土俗悉閱而周知之然後補偏救弊漸澆培醇利可興害可除生聚教訓可底於有成則於何取之亦於志取之矧

聖天子崇儒重道於上諸臣工體

國經野於下霜露所墜莫不尊親卽邑目有虞氏搏拊於韶德音所被名曰仁化而至今說禮敦詩量晴較雨原不少樸士良農也

仁化縣志卷首 序

八

堯君堯民之時而可以不載道之言訓乎故夢鸞言雖不文然蠡測管窺之議其中後佛老先王政凡可
勗官勗世之條尤競競三致意焉生斯宦斯者披覽之下庶亦深長思乎幸勿以一隅鄙仁陽也康熙二
十五年

廣寧李夢鸞撰

舊志案其時總纂爲知縣李夢鸞協纂爲教諭崔登桂訓導陳上達校繕爲邑人譚性學舉人劉廷
謨編次爲貢生葉之英凌玉京生員梁維肇曾梓爲耆民譚徽聲楊賢錫

原敍

今夫邑之有誌也其猶國之有史乎江淹謂修史之難無出於志鄒樵亦曰志者憲章之所繫然則志亦史也顧史則一成而不易志則閱數十年而更新修志與修史有不能一律論者若事不瞻核文不雅馴何所取裁猥云文獻豈懼其不足徵也已仁化縣志自司馬瞻創之於前李夢鸞續之於後迄今越百三十有二年其間遺文軼事所謂地以人傳人以地傳雖世遠年湮固可考而得也昔先王暨地居民鑄鐵而犬牙之分域覲土稽度考憲可以觀土風而驗隆污也屬詞比事詮奇表異可以察民情而劑政令也袞鉞片言彰聞百世可以按往牒而備法戒也仁邑自有虞氏搏拊於韶卽彈丸之區莫不有封域星野之分戶口土田之數厚生正德之方凡夫沿革建置秩官經政選舉學校以逮賦役兵防風土謠俗事事悉皆經理可不區別臚陳乎曾承乏下邑適逢

大憲興利舉廢紀綱所及先以文獻爲懷飭令所屬重修邑乘自顧駑駘從事惟是顯微闡幽厥任匪易以百數十年之事實逞一己之意見爲定評思欲信今而傳後難矣爰與邑紳士採輯羣言共襄盛舉修詞貴簡紀事豈實詳而不冗精而不儉分門別類經析條分以成續志邑中地瘠民貧野多曠土宰斯邑者采風問俗補偏救弊庶於布德同風起化善俗思過矣方今

聖天子大一統下職方詢郡邑上計吏故實同軌同文於茲爲盛仁邑雖偏小敢不潤色鴻猷於以表揚盛朝之雅化而著不朽之芳踪哉雖然見聞有限博採難周異日拾遺補闕尙有俟後君子之筆削焉嘉

仁化縣志 卷之十

十

嘉二十四年己卯孟冬明江蘇總督張

書志 茲時總纂爲知縣鄭綱曾纂集爲教諭易性舒訓導李廷璜校編爲拔貢陳守讓李繼楚貢生
葉慶奎纂精彩編次爲附貢陳福元職員劉志信訓導中孚廩生黃尙選譚漢生員劉明遠書梓爲增
生陳步雲生員朱粵經

原序

郡邑之有志非徒以誇美盛資睹記也所以激俗型方闡揚善治爲權衡政教之助也山川疆域不志而險阻要害不可得而審矣風土人物不志而休戚盛衰不可得而詳矣制度典章不志而得失是非不可得而考矣爲朝廷守土牧民一邑之內孰難孰易孰減孰否若者宜因若者宜革若者宜先若者宜後茫然不知其何以爲治仁化建邑自唐至明萬曆十一年邑令司馬薩始立志國朝知縣李夢賢鄧紹曾修之迄今垂五十年同治七年余自山右靈河移宰斯邑始至即欲取而證之而不可得蓋風霜剝蝕又經兵燹迄無復存時瘡痍甫定繼以頻年乾旱盜賊滋熾未暇顧及歲壬申思梗頑之非可以柔服也於是易柔而剛濟寬以猛萑苻稍息又幸春霖沛至田穀告豐余曰修志其可矣會府議修郡志檄屬採訪乃進邑人士籌之以葉君蘭亭方君子衡楊君春暉劉君周卿譚君百泉葉生文峰劉生榮周孫生輔等數人分襄其事先捐廉五十金以爲之倡告之曰修志猶史也史雖畧畧畧遺而佚毋浮而夸其記事也毋掩善毋溢美夫志者誌其大者也有關於政治則大有關於世道人心則大有關於典章文物則大一行作吏筆研荒蕪加以撫字催科勢形案牘羅剔抉披沙揚糠敬謝不敏矣其何以而慎而公以永爲信史是總纂者不可無人新會劉君瑞五品學端純留心掌故時以明經司教斯庠因延總筆政聽臧裁焉即日開局越六月而書成披而覽之訂訛補闕比舊加詳凡八卷使付剞劂庶幾上以備輶軒之採

仁化縣志 卷首 序

十二

下以爲激勸之資而宰治者亦得以因人情宜土俗斟酌損益以爲政教之權衡雖然於余心猶竊有歎然者山川誌矣而設險以守未能也風土誌矣而土物心賦移風易俗未能也政治人物誌矣而作育培養道德齊禮又未能也其何以引養引恬使吾民文率其子兄勉其弟同底於漸人摩義以上乎我朝數百年重熙累洽壽考作人之化而胥歸大同也哉

皆

同治十二年癸酉春正月

知縣事陳 鴻蘊撰